

aliud pro alio sentientes, quibusdam autem locis quid
vel falso suspicentur, cum non inueniunt, ita obscure
dicta quedam, densissimam caliginem obducunt. Quod
totum prouisum esse diuinitus non dubito, ad edomandam
labore superbiam, & intellectum a fastidio renouandum,
cui facile inuestigata plerumque uilescunt. Sunt enim
in diuinis libris plura loca tropicis locutionibus
difficilia, sunt quoque multa rerum magnitudine eximia,
atque ideo necesse est, ut & sensus & ingenij sagacitate
inuestigentur, & pro sui dignitate intellecta uenerentur.
Nemo enim ambigit per similitudines libentius queque
cognosci, & cum aliqua difficultate quesita multo gra-
tius inueniri. Qui enim prorsus non inueniunt quod
querunt, fame laborant, qui autem non querunt, quia
in promptu habent, fastidiose permarcescunt. In utroque
autem languor cauendus est. Magnifice ergo et salu-
briter spiritus sanctus ita scripturas sanctas medicauit,
ut locis apertioribus fami occurreret, obscurioribus
autem fastidia detegeret. Nihil autem fere de illis ob-
scuritatibus eruii, quod non planissime dictum alibi repiat.

DE GRADIBVS SAPIENTIAE
ET CHARITATIS.

Ca. III.

Nte omnia enim opus est ei qui desiderat ad sa-
a pientie peruenire culmen, dei timore conuertitur,
ad cognoscendum eius uoluntatem, quid nobis
appetendum fugiendumque precipiat. Timor autem iste
cogitationem de nostra mortalitate et de futura morte
necesse est incutiat, et quasi clauatis carnibus, omnes
superbie motus ligno crucis affigat. Deinde mitescere
opus est pietate, neque contradicere diuine scripture, siue
intellecte si aliquid uicia nostra percutit, siue non intellecte quasi nos
melius sapere meliusque percipere possimus, sed cogitare potius
us et credere id esse melius et uerius quod ibi scriptum est
etiam si lateat, quam id quod nos per nos ipsos sapere possimus. Post

p ij